

乾隆杭州府志

杭州府志卷四十三

水利

四

於潛  
昌化

新城

於潛縣

按於潛水源之由天目發者曰西溪由千秋嶺發者曰虞溪皆自北而南由浪山蘆嶺發者曰交溪自西而東由落雲山發者曰蒸溪自東而西逶迤曲折至縣南七里而皆合統謂之浮溪東南流二十餘里達于紫溪西復與唐山水合下至樂延印渚匯于桐江其地勢東北高峻西南庫下岡巒挾峙灘流迅急春漲夏涸故堰捺之設較之他縣爲獨周宋志所載凡共三百九十餘所迄於明季捺之數

相等而堰不及十之二焉愚民憚于修築苟安目前長  
民者固宜豫爲籌畫歟

唐 貞元十八年於潛令杜泳開紫溪渠溉田又鑿渠三  
十里以通舟楫

玉海

宋 元豐三年於潛令崔通開元豐塘爲邑人利至今呼  
之爲崔長官塘

萬歷舊志

紹興間令邵文炳大興水利紫溪下燕尾灘最爲險惡操  
舟者病焉文炳鑿去鈿利之石其害遂息元豐樂平清漣

等塘漸就廢壞悉爲浚治修築

咸淳志 邵文炳溪塘水利序古晉山隋開皇中隸

于杭崇岡復嶺回繚重剋水之發于山者六十有二源集  
而成溪一日天目之源幽深峻極淳爲龍淵三池洒流自

北東橫亘而少西路經白塔爲東溪其北口昌山之源眉  
山而西曰千秋之源皆自宣城穿嶺而下通朱村井而爲  
西溪三水奔湍會于甲子峯崑山之麓合流南注而爲紫  
溪此其大源也餘皆止發於潛之境其來自近旋轉合附  
環邑左右勢傾而南下無以宿水溪行羣山間廣不能三  
十丈或東而決則繞數尋爾淺灘鳴瀨五日不雨田未病  
而溪固涸矣昔人視其勢而納之以隸導其流以溉田蓋  
莫推其所自後之私其利者稍增益之凡爲大堰百四十  
有七所其細流爲堰者又二百二十有三所山狹窮處溪  
流不逮亦疏鑿以爲塘然而潛之地山居其六七窮谷之  
民尺寸所必爭無曠土平澤以廣其澆注凡爲塘一十二  
所而已因事將興勸農于郊視溪塘之遺跡而申農里之  
教令故大堰各立長董率共刊之人察其決壞而增築之  
相缺缺之枯潤時其疏濬而均注之先後有次第高下有  
承接背約則有罰甚則有刑小堰各從民便使自爲之或  
一家得專或衆有私約而不立之長增視其大小如其堰  
之政總之溉六鄉十二管之田凡四萬九千七百十畝有  
奇非溪塘之所及止于此地之傾側山之重峴而不得盡  
其利也夫政之本在養民令之職先勸課平素于民相忘  
而一切之政又從而脞削之歲儉饑困嗻然恤賑具文苟

免而流殍已衆矣潛今視古畿縣富庶而興禮義當爲他郡邑倡興廢補弊撫摩惠養庶幾萬分有一于其間而文炳淺短綿薄心知勿能夜思早作不敢不力求之邑而考中興之斷簡求之野而得開寶之遺書熟究之而事明參覈之而圖具然後隨緩急之宜以次修復民用樂從咸卽其舊聯比而籍載之爲一論次以存其槩異時計議者或有取于斯焉又重開元豐塘序長安之鄉小嶺之下有塘曰元豐謀始于治平之元久勿克就元豐三年歲在庚申令有崔其姓者乃力興之塘成而獲其利歲月浸遠稍稍就廢思民苟目前而不遑卹于是盜塘而田經界既正不可復奪而塘之所存隱然成陸矣咨訪耆老求其故而疏闢之取田戶百二十家之夫以用其力給其食用凡三十有四日而罷其廣百有四丈其深丈有五尺水由地中翕然泌涌如井之有源混混乎勿竭也于是別爲三渠其東之深與塘底直覆以大石鑿方竇廣八寸許塘水自石竇旋轉而下入于渠其西高可五尺餘爲第二渠如前之制又高五尺壘石爲門于二渠之中斷石爲板橫亘其下又積石于水門之外釐三流以注之田植板榦以謹其閉縱小旱則啟其中之水門而緣之中旱則開其西大旱則開其東已洩而復閉逾三日則塘水復盈宛轉無窮視他

塘爲最其水自地發非山源之所注老農曰之以關水畝  
從其賈也考行曲取于三流之分又不止今所權之田而  
已也夫天造地設待人而成方其謀之十有五年之久而  
後克逮今百十有一年之間漚廣者再事之難成而易毀  
類如此爾不及今求以復之則飽日又將不可考矣然猶  
有並塘之民私以爲業勢不可奪而塘不能悉如其舊處  
其去歲而復壞也乃申以董齊之約擇其里之善事而可  
長者凡八人表一更之周而復始疏鑿之以時閉縱之以  
後去歲爲之有備決毀之有防修築具在使其守而勿失  
則塘之利庶乎其無窮也 又重築樂平官塘序去元豐  
而西里許地日棄平畝受延湖之源而屬于大溪最爲斗  
峻舊有官塘兼並溪之田僅千畝與所謂元豐塘者蓋相  
爲表裏也山溜旁沖注埭與奔洪暴漲壅沙以遏其上流  
溪源亦激射而埭乃隨壞民力不能致經久之利拱視而  
莫之救溪涸立待安于旱乾以俸鬪租而已求之十年之  
遙蓋未聞以下熟告也民何樂而爲此哉以武斷者或利  
其私貧弱之害固不遑恤指其埭而名之以官無肯出力  
以倡義雖然亦可卜知居是鄉者情之不淑而俗之邀薄  
也往歲官一用其力志于苟全而謀或未盡旣成數月隨  
卽廢壞禾稼就槁特甚他所今耆老咨嗟求以新之于以

相與講成敗之故得利害之實乃伐木作址累石爲高橫截溪流厚丈有六尺長十有二丈高與溪岸等列木作棧以護其旁使奔流不得齧射而震撼滿其上則平漫而駛之導渠自埭口南東而下渠之兩旁又釀爲輔渠六分注均及由近而遠渠之所屬無不沾溉百頃取具于官而民不爲病貧弱樂于一遇而役不爲難今雖幸成視昔爲固然決防之患始于蟻穴責之長以謹視歲補而加勤豈惟樂平之田待此以無憂上下用勸百四十七堰之規相爲不朽則異時爲政者之所當念也 又復清澗上塘序渡上濠溪而南爲范家塢磨山之麓細涑所滯曰清澗塘取其淵淳而凝碧也轉而爲青蓮又止名爲蓮傳久而失之也塘之深丈餘東狹而西長南北相去略等周廣九十有一丈累石而四圍之堅高可以衛水山徑奔流亦不得而衝溢也塘之下鑿渠而深之東流爲澗又北東而接于樂延樂延之地聚落延表別爲東西村其東專澗塘之利其西又有上塘亦名之以湖澗周廣視清澗塘而有加焉水自地中泉自發越與元豐塘亦略相似別爲二渠其一自塘之東經北而下其一自塘之西循村巷宛轉而北又旋而復西水之所及視東渠爲頗遠二塘與元豐塘相望隔遠五六里許皆日就壅不足爲旱乾之備而民亦無有告

其上者人情可與樂成而怠于興作固應爾也今雖盡力以次興復而雨暘時序歲適登於竊懼夫民猶以爲徒設而後日之不加修也則終廢而無以獲其利故復申其說以備告之

嘉泰三年令晁百談任內嘉德鄉盛逸盛端等爭充堰長事攷縣遠年官印押堰簿自泥黃大堰止地名張堰凡作小堰八所分爲八捺注水入田皆承天目大源之水上流下接自元符元年戊寅至嘉泰二年壬戌凡一百五年每歲于農務前每捺各推小堰管頭三名八捺共二十四名同集田戶修築晁宰遂以自來輪流堰長姓名年歲置榜通圖令上五捺田戶每充應兩年訖卽輪下三捺田戶充應一年並照田畝捺段多寡均差日後周而復始且出給



斷由付八捺田戶各收一本永爲定規

咸淳志

明 宏治七年以侍郎徐貫言開湖州之澗涇洩天目安

吉諸山之水自西南入于太湖

明史河渠志

萬歷中蒼梧陳堯典任於潛令邑南浮溪每山水驟漲行旅艱阻堯典捐俸置渡至今德之

舊志

潛邑山多田寡水行乎兩山之間凡瀕溪低平之地皆有田俗所謂大源田也外則倚山歷級而上水皆無及其所資以灌溉者淺澗斷溜而已歲雨時若其收亞于大源一有旱暵拱手待稿所藉以爲民命者惟大源田而爲田之壽脈者塘堰是也合六鄉計之大小堰約計三百一十捺

又七十所分併不常而爲塘者十有一焉疏濬滯蓄之有方則濇于邵公塘堰之序導決先後之有節則具于晁公八捺之法是皆有民社者所當加意毋使杜公泳崔長官專美于前可也

咸淳志

於潛天目所發源也山峻石鶴地狹

土瘠田皆崎嶇嵯谷而水無停蓄紆迴故平疇之寄命在捺堰而高阜之寄命在陂塘莫不喜廣喜深喜固喜密然而不能無廢壞也何則雨潦驟至洪流奔騰雖有隄障不能禦之故率多坍塌其勢然也余稽往蹟捺踰七十堰幾四百塘亦且數十焉可謂周詳纖悉乃今所存幾何哉後之視今亦猶今之視昔潛邑之民吾知其修築無息肩日

矣治斯邑者宜于無患時爲經久之計若田堰之更查石  
橋之改木山口之築壩鶴秋紫堰之甃石紫溪收山之開  
道灌湖生仙兩渡之設夫皆相便宜而蚤從事焉爲之民  
者亦宜體上憂勤無苟目前以貽後災則可謂庶幾云爾

萬歷  
舊志

塘堰水捺

容塘 徐博家前塘 皂角塘 祐塘 温塘 徐大家

前塘 浪後塘 墓後塘 余三家塘 徐五十一家前

塘 以上十塘並在豐國鄉十七都承接白塔源等處水

流蔭田一百八十五畝

咸淳志

景村塘 在波亭前鄉深一丈八尺廣一十丈陰田八十

五畝

成化舊志

東塢塘 在豐國前鄉東塢底周十二丈計四畝

嘉靖於潛縣志

下並同

中門塘 在潛川前鄉牧亭塘塢底周一百十丈

寺塢塘 在潛川前鄉寺塢口周一百二十五丈

清源塘 在潛川前鄉深一丈二尺濶二十丈溉田二百

三十畝

成化舊志

赤嶺頭塘 在潛川後鄉赤嶺脚周一百八十二丈

嘉靖於潛

縣志下並同

青塘 白鱗塘 寺塢裏塘 七坑漸水畝塘 俱在潛

川後鄉

赤山脚塘 桑午塘 漸水畝塘 大山畝塘 俱在長

安前鄉桑午一作桑干

元豐塘 在長安鄉承接仙嶺并清塘水流接蔭田一百

畝三角

咸淳志

樂平官塘 在長安鄉元豐塘西

咸淳志下同

清蓮塘 上塘 並去元豐塘五六里

後塘堰

一本作後坑

石堰 後干堰 紅杏青堰 青苔堰

泥塘堰 社木堰 楓木堰 青木堰 銅盆堰 喻畝

堰 淘浮堰

目源堰

萬歷志作月源

謝家堰

右十四堰並

在嘉德鄉第一都承接東西天目兩大源水上流下接蔭

田二千一百三十四畝

咸淳志下同

波周堰

東河村堰

河潭堰

葛村堰

社青堰

念

奴畝堰

吳家前堰

金門塢山堰

沈堰

牌口堰

寨山下連接三堰

下清潭堰

亭子山堰

盛堰

朱

有堰

牌口盛堰

沉堰

勃浴堰

元畝堰

右二十

一堰並在嘉德鄉第二都承接天目大源水上流下接蔭

田二千五百四十五畝

震青堰

破坎堰

嘉靖縣志作破木堰

社木堰

西堰

吳村堰

烏勞堰 波眉堰 烏埭堰 杏梅堰 小堰 麻車堰

廣義橋堰 右十二堰並在嘉德鄉第三都承接天目

大源水上流下接蔭田三百七十一畝

咸淳志

磗堰

嘉靖縣志作磗堰

後門堰

大何堰

嘉靖縣志何作河下並同

上何堰

中何堰 下何堰 大湧堰 上湧堰 中湧堰 下

湧堰 泥黃大堰 波倫堰 趙堰 泥酬堰 社堰

何堰 梅口堰 張堰 山堰 八畝堰 右二十堰並

在嘉德鄉第四都承接天目大源水上流下接蔭田二千

五百三十八畝一角

咸淳志下同

磗山堰 湖道堰 右二堰並在嘉德鄉第五都承接天

目大源水上流下接蔭田一千七百畝

後唐上堰 後唐下堰 西坂堰 黃信堰 前中堰

長台堰 溫干堰 並在嘉德鄉

成化舊志  
下並同

黃沙堰 在嘉德前鄉

溪田堰 下盛堰 毋山堰 後山堰 烏青堰 石山

堰 梅樹堰 橫山堰 榔樹堰 並在嘉德後鄉

西落堰 長林堰 東關堰 俱在嘉德前鄉

萬歷舊  
志下同

正青堰 浪堰 俱在嘉德後鄉

店前堰 謝植堰 瓦窰堰 黃泥堰 長堰 濕嶺堰

烏橋堰 李家堰 拏口堰 湖頭堰 庄前堰 上



宅堰 石嶺堰 何堰 烏昌堰 冷水高堰 八畝堰

插堰 江家堰 北陳圩堰 石潭堰 曹堰 徐邱

堰 南陳圩堰 凡石堰 石堰 長田堰 青山堰

烏鼓堰 右二十九堰並在惟新鄉第六都承接千秋嶺

大源水上流下接蔭田九百二十五畝

咸淳志  
下並同

朱家堰 牛堰 官堰 小楊堰 板堰 青山堰 年

科堰 大堰 大楊堰 棧堰 何家堰 諸家堰 穿

金堰 陳干堰 後墓堰 界干堰 黃公堰 妙樂寺

堰 朱村小令堰 右十九堰並在惟新鄉第七都承接

千秋嶺大源水上流下接蔭田一千二百八十六畝

徐家前堰 周浩口堰 馬干溪堰 烏郎口堰 平陀  
堰 波郎堰 田溪堰 鎖如上下堰 波藉上堰 右  
九堰並在惟新鄉第八都承接天目水發源上流下接蔭  
田二千一百八十畝

豐撐堰 大千堰 橫溪堰 壇石堰 柴村堰 甲子  
堰 秋堰 鶴堰 陳堰 鳳山堰 右十堰並在惟新  
鄉第九都承接天目源水上流下接蔭田六千九百三十  
畝

茶園堰 許村堰 清家堰 水社堰 橫路堰 泥干  
內堰 雙棧上下二堰 東山下堰 西陳堰 山下堰

東陳堰

泥候堰

青山堰

董堰

仙姑堰

吳家

堰 旱堰

冷水堰

何干堰

陳干小堰

皂干堰

麻園堰

野堰

蘇干堰

吳干堰

高堰

徐百岸堰

金竹岸堰

脾前堰

楊岸堰

黃土堰

朱相堰

樓堰

黃堰

十畝堰

姥鴉堰

泥泉堰

蘭塢堰

社墓堰

右四十堰並在惟新鄉第十都承接大鳴巖下

并昌化縣蘆嶺坑水上流下接蔭田一千四百八十九畝

二角

青山堰

社塔堰

池湖堰

小青山堰

細堰

酒堰

橫溪堰

波稜堰

長潭堰

天井堰

澤河堰

黎

圩堰 鴉鵲堰 泥香新堰 泥秀圩堰 富坑圩堰  
右十六堰並在惟新鄉第十一都承接潛川波山源水上  
流下接蔭田一千一百七十三畝

下池堰 朱吳堰 方圓堰 波持堰 柯婆堰 右五  
堰並在惟新鄉第十二都承接大溪水上流下接蔭田二  
千八百畝

後塘堰 朱全堰 趙家堰 小梅堰 勝門堰 並在

惟新前鄉

成化舊志下同

郭西堰 鳳亭堰 鎖兒堰 楊樹堰 泉留堰 麻車  
塘堰 前頭堰 烏桐堰 並在惟新後鄉

太陽堰

承接泥後捺流入徐村捺

嘉靖於潛縣志下同

高婆堰

承接方員昔口二捺水流入大溪並在波亭前

鄉

泥黃堰

符箕堰

巫山堰

田干堰

鶴堰

秋堰

破溪水自嘉德鄉湧堰而下一里爲泥黃堰灌馬鞍山田

又一里爲符箕堰灌紹路田又一里爲巫山堰灌巫山田

又二里爲田干堰灌山口田又六里爲鶴堰灌鶴村田又

二里爲秋堰灌秋村田俱在波亭後鄉

萬歷舊志下同

柴堰

甲子堰

浮溪水自惟新鄉新廟捺而下三里爲

柴堰灌柴村坂田又三里爲甲子堰灌雙溪田俱在波亭

後鄉

官堰 在豐國鄉第十四都承接周免發源水陰田四十

一畝

咸淳志  
下並同

泥吳堰 牛車堰 明鏡堰 大田堰 塘里堰 盛湖

堰 朱西堰 泥愁堰 趙千堰 談家堰 右十堰並

在豐國鄉十五都承接臨安縣界東溪水上流下接蔭田

一千一百九十畝

盈堰

上欄堰 嘉靖於潛縣  
志作上蘭

泥頭堰 右三堰並在豐

國鄉十六都承接東溪水上流下接蔭田六百六十畝

牛堰 搭子嶺堰 馬退堰 王家堰 忻同堰 干甲

塢堰 陳姑庄堰 古樓堰 南山堰 楊山岸堰 巖  
石堰 楊家塢堰 黃家堰 徐家堰 師姑堰 千嶺  
堰 泥脚堰 泥肚堰 朱干堰 東塢堰 方家下堰  
三畝堰 頭坑堰 社木堰 土地堂堰 小溪堰  
景雲堰 市干堰 陳家前堰 盛家堰 右三十堰並  
在豐國鄉十七都承接浪後源等處水上流下接蔭田一  
千一百七十畝

溪西堰 馬坑堰 寄源堰 室干上下二堰 石碧堰  
中間堰 錢家堰 范家前堰 張家堰 外旁堰  
何山人墓堰 裏旁堰 外石堰 裏石堰 五邱堰

盛大塢堰 錢坑堰 九畚水界堰 右十九堰並在豐

國鄉十八都承接黃山等處水流接蔭田八百五十畝

鉢底堰 扶充堰 善堰 牧亭後千堰 祝嶺堰 狹

路堰 皂角堰 木嶺小坑堰 朱家堰 外高堰 前

坑堰 扶雲嶺高堰 下村堰 神符堰 昔千堰 許

家堰 楊木堰 堰頭堰 石嶺堰 朱隄堰 下隄堰

青山堰 中隄堰 仲塢口堰 右二十四堰並在豐

國鄉十九都承接祝塢等處水流接蔭田一千四百四十

畝

扶西堰 管堰 波麻堰 朱甫千堰 攔坑堰 謝家



堰 施家堰 擲塢路堰 殺豬堰 牛路堰 水路堰  
新邱堰 徐大堰 烏閃堰 右十四堰並在豐國鄉  
二十都承接天目富源井欄塢山坑水流接共蔭田一千  
四百六十八畝

高坎堰 亭口堰 落雲堰 周冕堰 馮村堰 閩川

堰 礫山堰 並在豐國鄉

成化舊志

曹家堰 雲塢堰 羅家堰 胡家堰 沙堰 亭子堰

歐口上堰 化口堰 並在豐國前鄉

嘉靖於潛縣志下同

觀政堰 浮溪堰 並在豐國後鄉

城後堰 紫溪水自豐國鄉扶西堰而下十五里爲城後

堰灌下梅城後二畝田在潛川前鄉萬歷舊志下並同

鳩吉堰 浮雲水自嶺端來二里爲鳩吉堰灌牧亭田在

潛川前鄉

觀堰 桐江水自溪西捺而下爲觀堰灌觀塢田在潛川

後鄉

官堰 小杯堰 冷干堰 嶺背堰 塔堰 鐵砧堰

小東堰 小背堰 右八堰並在長安鄉二十一都承接

延湖山源水流接蔭田一千九十六畝咸淳志下並同

盛村孔堰 寶山翼堰 湯村潤堰嘉靖縣志潤作盛 張村查

堰 宰堰 下師堰萬歷志作丁師 十畝堰 烏堰 高堰

小堰 亭堰 右十一堰並在長安鄉二十二都承接沼  
山坑水流接陰田一千三百五畝

徐村堰 高堰 泥城堰 右三堰並在長安鄉二十三

都承接良梅山隴嶺并馬嶺脚發源流接陰田三百六十

五畝

普堰 孔堰 蔣堰 查干堰 濶堰 施堰 虎堰

余堰 烏堰 西堰 赤山堰 並在長安前鄉成化舊志

梅塢堰 牛塘堰 莊前堰 並在長安後鄉

浮堰 查堰 上施下施二堰 榮堰 運堰 遷堰

郭奇堰 俱在長安前鄉萬歷舊志下同

陳堰 黃山堰 郭西堰 白波亭鄉秋堰而下七里爲  
陳堰灌凌干坂田又一里爲黃山堰灌塔山田又二里爲  
郭西堰灌西坂田俱在坊郭

按宋時新鄉有堰一百二十八成化志祇十九嘉靖萬  
歷兩志無之豐國鄉舊共一百八堰兩志存其十長安  
鄉舊共四十四堰萬歷志存其四古堰之廢者多矣又  
拚口萬歷志作揜口石潭作石湮寧金作穿金陳千作  
陳金烏閱嘉靖志作烏關並異

泉水孔捺 下邱捺 百寬捺 下泉捺 小捺 新小  
捺 右六捺並在嘉德鄉第一都承接後峴山等處泉水

流接蔭田六十五畝

咸淳志下同

明空寺前三小捺

在嘉德鄉第三都承接天目大源水

蔭田二十畝

東關捺

洗馬捺

洪橋捺

日昇捺

俱在嘉德前鄉

發源天目山

嘉靖於潛縣志下同

正青捺

西坂捺

俱在嘉德後鄉發源蓮花峰

戴四捺

石牛水捺

小坑捺

吳家捺

何長塢捺

耕嶺村捺

徐家捺

徐家前捺

高邱捺

大石捺

湖老塢捺

橋下捺

塢口捺

村前捺

支候村捺

橋頭捺

炭竈塢捺

柳瓜口坑捺

東山捺

廣陵岸

捺 烏山下捺 低溪捺 啫口捺 板如嶺捺 高橋

捺 塘頭捺 右二十六捺並在惟新鄉第六都承接千

秋嶺山坑水蔭田七百六畝

咸淳志  
下並同

長干捺 堰捺 撩車捺 長橋捺 嚮山捺 右五捺

並在惟新鄉第七都承接千秋嶺水蔭田八十二畝

上貨塢口捺 在惟新鄉第十都承接黃土堰水流入徐

家村蔭田十畝

後剪小捺 石壩小捺 前干小捺 麻車干小捺 烏

青小捺 昔干小捺 泥浪小捺 右七捺並在惟新鄉

第十二都承接黃嶺山坑水蔭田二百九十畝

眉山捺 壩下捺 亭子捺 秦亭捺 溪西捺 凌干

捺 小凌捺 龍潭捺 上車捺 黃山捺 社灣捺

西山捺 烏橋捺 橫路捺 軍干捺 黃泥嶺捺 注

干捺 南陳干捺 俱在惟新前鄉

成化舊志

下鼓橋捺 羅湛灣捺 何干捺 滴水捺 陳干捺

化干捺 青山捺 俱在惟新前鄉

萬歷舊志下同

趙家捺 石山捺 新廟捺 埂子捺 前流捺 許村

捺 波羅捺 陪泥捺 坎下捺 溪東捺 鳳亭捺

凌中捺 凌捨捺 俱在惟新後鄉

下地捺 太陽橋下捺 烏金山下捺 蒲然天井捺

泥後捺 蒲源小捺 南源橋下捺 錫口橋下捺 錫

口畝捺 徐村澗捺 浦溪口捺 蒲源後口捺 並在

波亭前鄉

成化舊志

桃源捺 湖潭捺 錢家捺 方員捺 富王捺 昔口

捺 俱在波亭前鄉

萬曆舊志

抽口捺 後塢口捺 西畝捺 拜干檀木捺 右四捺

並在豐國鄉十三都承接神坑水蔭田一百四十畝

咸淳志下

並同

周免捺 亭口捺 右二捺在豐國鄉十四都承接凸口

發源水蔭田七十畝



浪干捺 湛干捺 老公嶺捺 景村橫溪捺 桃木塢  
口捺 右五捺在豐國鄉十七都承接浪後發源水蔭田  
一百二十畝

鳳樹捺 在豐國鄉十四都

成化舊志

牛毛捺 楓樹捺 俱在豐國前鄉

萬歷舊志下同

南山捺 蘭捺 新橋捺 溪西捺 盛湖捺 泥黃捺

趙家捺 泥頭捺 俱在豐國後鄉

黃山捺 陳翼塢捺 苦竹捺 烟裏捺 烟口捺 吳

嶺捺 溪雲捺 鳩九塢捺 倒石捺 塔山捺 麻車

塢捺 新村捺 室干捺 溪西捺 大塢捺 澗湖捺

泗源捺 埽橋捺 關堰捺 何村捺 樂平捺 東

樂延捺 並在潛川前鄉

成化舊志

泥塘捺 牛蘭捺 黃泥捺 並在潛川前鄉

嘉靖於潛縣志下同

青山捺 牛塘捺 黃嶺捺 大塢外頭捺 烏金捺

何莊捺 並在潛川後鄉

神坑下捺 橫塢堰捺 後宅山坑捺 沿村山坑捺

橫塢山坑捺 二小捺 右七捺並在長安鄉二十一都

承接延湖山發源等處水蔭田一百九十畝

成淳志

橋塢捺 後干捺 青山捺 觀堰捺 並在長安前鄉

成化舊志下同

後湖捺 石佛捺 烏欄捺 胡邱捺 山門捺 大門  
捺 橫溪捺 松田捺 何村捺 石塘坑捺 寶山捺  
並在長安後鄉

上徐家捺 周家捺 黃山捺 上充捺 洪家捺 俱

在長安前鄉

萬歷舊志

按西坂捺萬歷志作西畝堰埂子縣志作硬子桃源作

柳源

田圩

於潛縣田多不著圩名以西北東南四境判之

萬歷舊志

新城縣

按新城之水皆發源于西北胘紫脈散大抵合於松葛  
二溪松溪承臨安界之錦溪由依嶺入縣分二派抱縣  
南流合于雙溪口葛溪合漁洲回源靈隱洞三源水復  
受余溪湘溪東至雙港口與松溪會自二溪會流其勢  
寔大統謂之豎江經縣治東南過綠渚深浦入於浙江  
縣雖地偏土瘠而田野流潤不遽以旱暵爲憂固賴乎  
塘堰之繕築矣

唐 永淳元年開官塘堰于縣北五里蓄水溉田有九澳

唐書地理志

宋 咸平二年修官塘九澳景德三年重修

咸淳志

慶元二年邑令劉景修重修新堰堰本唐永淳間太師杜稜所創置也

萬歷新城縣志

元至元間劉公弼知新城縣事以旱行部度地勸民築堰編木累石爲高塍堅壩又慮春漲之暴而堰不支也乃隆其兩旁窪其中流以使汗泮之勢不至震撼慮水之溢出噴薄久則陷其趾而塍不固也又聯木爲簾置之下堰以殺其激射慮患深而爲謀遠其厚民誠懇切也

萬歷舊志下同

明 洪武二十七年工部差監生楊昶至縣重修官塘蓮

塘開築各鄉水堰

浙江通志

永樂間直隸獲鹿縣劉秉知新城

縣縣之折桂鄉有魚池潭與祥禽鄉鄰界水雖歸聚于潭

而順流東下勢不久蓄又南岸隔山田畝每旱不能灌溉  
秉躬度地形請民夫千名率以鑿山通道築堰二十餘丈  
又爲閘以慎防蓄洩仍立堰長司之自堰下流至于龍山  
下注石頭及宦塘路口上下田二千餘畝化爲膏腴田直  
遂增十倍後人思之立廟以祀

天順間知府胡濬下縣相度附郭田旱澇無備委醫學訓  
科方鏞督理築壩于塔山下耆民袁稔首捐地十畝其餘  
以次效之鑿溝引水通入城濠遶城東西至南門置閘放  
水由城東官溝抵雞鳴山入溪民甚利之

新城縣志

成化十一年何善知新城縣相度縣中田畝夾山夏秋雨

漲害稼督民築隄浚溝竟得水利

舊志

嘉靖間知縣袁澤加濬官塘因塘脞沁泄乃築石立閘名

袁公閘蓄水至今爲利

浙江通志

萬歷元年縣人侍郎方廉捐

貲偕得水人戶于天柱山下建築石堰一十四丈有奇灌

田數百餘畝

萬歷新城縣志下同

三年邑民呈縣言塔山堰歲久坍

塌每遇夏旱費工修築水不能達且溝至袁家圩前別有

小溪一帶水碓一輪其流徑衝城南背學宮反馳乞仍修

復前壩知縣溫朝祚撤去水碓將小溪築塞查承受堰水

田戶派銀築壩

崇禎辛未胡公渠近城溝濠爲居民侵塞令許徵芳勘視

侵者復之塞者通之水注城隍如故

浙江通志

國朝

康熙八年知縣張瓚重修青山查村天柱三堰十年重

濬胡公渠

新城縣志

雍正七年署巡撫觀風整俗使蔡士鼎委

新城縣羅燠修築永昌昌東昌定東洲七賢五鄉衝坍堰

壩

浙江通志

塘堰澳

官塘 在縣北五里祥禽鄉湖一頃三十畝溉田八頃八

十畝一百八十戶唐永淳時開

咸淳志

杜家塘

在祥禽鄉

萬歷舊志下同

告山塢塘

在折桂鄉



東周塘

一作東洲在七賢鄉

浙江通志

太師鴨塘

灌長蘭田

萬歷舊志  
下並同

袁家塘

灌鈴口田

惠州塘

灌下塘田

葉村塘

灌烏龍坂田

以上四塘俱在七賢鄉

浙江通志

長盤塘

在永昌鄉灌長盤坂田

萬歷舊志  
下並同

裏塘

在新登鄉灌運坑田

百丈官塘

母子嶺塘

柘州塘

金家塢塘

汪瀨塘

百丈灌近塘處所田母子灌綠清田柘州灌謝漣田金

家灌董灣田汪瀨灌樸鴨田已上五塘俱在太平鄉

古溪塘 麻車塘 俱在昌東鄉

浙江通志

蓮塘

灌深浦田在昌西鄉

萬歷舊志

鉄母塘

湯家莊塘

俱在昌西鄉

浙江通志下同

高塘

郎家莊塘

俱在昌定鄉

按萬歷志亦云昌定鄉惟縣志云郎家莊在七賢鄉

中塘

在廣陵鄉灌近塘處所田

萬歷舊志下同

東齊堰

白石堰

師姑堰

羅堰

徐陽堰

慕珠堰

葛溪自多福而來三里爲東齊堰灌東齊陽田又四里

爲白石堰灌白石田又一里爲師姑堰灌午目田又三里

爲羅堰灌華龍田又一里爲徐陽堰灌趙安田又三里爲

慕珠堰灌鎮頭田俱在南新鄉

寺堰 萬堰 華堰 廟堰 蔡堰 馬堰 於堰 凌

堰 仙人堰 俱在南新鄉

成化舊志

石堰 麻基堰 羅堰 長潭堰 萬堰 慕珠而下五

里爲石堰灌朱村田又一里爲麻基堰灌麻車田又一里

爲羅堰灌上林田又一里爲長潭堰灌洞口橋田又一里

爲萬堰灌施坂田俱在寧善鄉

萬歷舊志

何堰 古城堰 潘堰 桐樹嶺堰 俱在寧善鄉

成化舊志

駱堰 桑堰 槎坑堰

萬歷志舊名槎溪堰

阮堰 施堰 萬堰

而下五里爲駱堰灌上下塔田又四里爲桑堰灌姚宅田

又二里爲槎坑堰灌井頭田又三里爲阮堰灌中塘坂田  
又一里爲施堰灌三溪田俱在廣陵鄉萬歷舊志

唐湖堰 溪西堰 青山頭堰 弓家堰 下橫溪堰

潘家山下堰 菖蒲堰 錢畝堰 柘頭堰按通志作拓頭天家

堰 孫澤堰 十畝堰 俱在廣陵鄉成化舊志

煉溪堰 查村堰 舊名查家堰後圯康熙八年重修江浙

通志火堰 胥口堰 金雞堰 袁村堰 金慈堰 施堰

而下二十里爲煉溪堰灌煉頭田又三里爲查村堰灌查  
村田又一里爲火堰灌休居田又三里爲胥口堰灌胥口  
田又一里爲金雞堰又一里爲袁村堰共灌上袁村田又

一里爲金慈堰灌金慈田俱在新登鄉

萬歷舊志

塘裏堰

全家堰

浙江通志作金家

橫溪堰

碧東堰

俱在新

登鄉

成化舊志

木公堰

舊浙江通志作木工

蘭堰

施家堰

白果堰

金慈而下

三里爲木公堰又一里爲蘭堰共灌長龍坂田又一里爲

施家堰灌下袁村田又一里爲白果堰灌漁池田俱在七

賢鄉

萬歷舊志

馬公山下堰

長蘭堰

寺前堰

馬公塘口堰

麻車

頭堰

麻車橋堰

俱在七賢鄉

成化舊志

牛堰

久廢

萬歷舊志下同

潘堰 楊家堰 何蘆堰 白果而下二里爲潘堰灌派  
溪田又二里爲楊家堰灌泥坂田又三里爲何蘆堰灌中  
村坂田俱在折桂鄉

卸堰 沙堰 丁家堰 赤松堰 陳堰 新堰 俱在

折桂鄉

成化舊志

後凹堰 其水自漁州而來灌後凹田

萬歷舊志下同

芝林堰 成化志作知臨 上珠堰 曜堰 仙人堰 龍門之水自

雲峯而來二十里爲芝林堰灌龍門田又三里爲上珠堰  
灌李王坂田又一里爲曜堰灌羅石田又一里爲仙人堰

灌于坂田俱在南安鄉

萬歷舊志

劉公堰 在縣西五里魚池山下明永樂十年知縣劉秉

開築

浙江通志

直堰 在折桂鄉 苦竹之水自高飛而來十二里爲劉

公堰灌青塢田又一里爲直堰灌新嶺田自齊東堰而下

至此皆西境之堰

萬歷舊志

塔山堰 卽胡衙壩在縣西二里明天順間築

新城縣志

童家堰 釜源水自釜嶺而來七里爲是堰灌田坂田在

東洲鄉

萬歷舊志下並同

黃現堰 東洲堰 湘溪自沈嶺而來十里爲黃現堰灌

陳家坂田又五里爲東洲堰灌東洲坂田俱在東洲鄉

天柱堰 東洲而下十里爲是堰灌臨清二坂田在七賢鄉成化志作折桂鄉非

董公堰 青山堰 高堰 汪家堰 木倉堰 糖餅堰

周家堰 塘鴨堰 何家堰 或曰卽何墓堰松溪水

自沈嶺而來二十五里爲董公堰灌何阜田又二里爲青山堰灌石家店田又二里爲高堰灌山後田又一里爲汪家堰灌什子山田又一里爲木倉堰又一里爲糖餅堰共灌繰車嶺田又一里爲周家堰灌嶺南田又二里爲塘鴨堰灌缸窑田又二里爲何家堰灌寺基田俱在永昌鄉

新堰 在縣北八里唐永淳間大師杜稜創置疏導而注



之城濠歲旱則均之田畝其水左自堰下流至沙塾邊東流入于許村西流入于杜墓畝右自聞家山下承田內堰至鳳翥橋東流入周家埭以至吳家埭遂及小莊畝西流入于官塘坂與朱家澳合至白塔坂遂及城下

浙江通志

松溪堰 袁家堰 雙港堰 自何家堰而下一里爲新

堰左右分流灌田甚廣又二里爲松溪堰灌沈山田又二里爲袁家堰灌莊澤田又七里爲雙港堰灌龜山田俱在

昌東鄉

萬歷舊志

包奏堰

在昌東鄉

成化舊志

神仙堰

舊通志縣志俱作神山

桐坑堰

桐坑水自栢枝而來十五

里爲神仙堰又五里爲桐坑堰共灌桐坑田俱在昌定鄉  
萬歷舊志下同

潘家堰 深浦自高平而來十五里爲是堰灌孫家坂田  
在昌西鄉自童家堰而下至此皆東境之堰

中澳 朱家澳 亭子澳 丁路澳 袁都宅澳 以上

俱在城郭鄉

新城縣志  
下並同

西山澳 在祥禽鄉陳家山下

東山澳 在折桂鄉徐家塢

真堰澳 板橋澳 在昌西鄉

田圩

新城縣田多不著圩名以在西境東境南境判之

萬歷舊志

### 昌化縣

按昌化在萬山之中名溪三十其原爲上溪而柳溪乃衆溪之委也上溪源江南寧國界入縣十七里爲巨溪縣之高溪後溪雲溪無他溪漢溪皆入之而高溪合仁里溪雲溪合楊溪無他溪合蜃溪頰口溪其水亦隨以入焉巨溪東南流經縣西十里晚山下爲晚溪與溪合黃溪入之董溪合瀝溪入之又經縣南百步水分南北二岐爲雙溪過縣復一爲合溪有平渡溪入之又東南經柳相山下則爲柳溪他溪合入之者有柳溪覽溪櫃溪三溪下阮溪其先

合入于伽覽二溪者又有沈溪社丁溪上博溪橫溪蒲溪縣境水皆東流入於潛界合于湖江溪之利固無不周而桐江水亦引以流注非聚洩之得宜其孰致之

明 洪武二十九年工部差人材李榮到縣開挑湖塘及

雲老泥畝赤源三塘

浙江通志

戴經邦纂修水利記環

昌之塘四本來無源因旱澇為盈涸苟深澇而固其隄則旱不竭而澇不溢殊稱便易第灌田無幾耳若堰則利溥而功百倍焉如溪之西北諸堰自鄆茶竹山新口而下灌田三萬餘畝東南諸堰則洪嶺潘干漢溪石壁等處所灌亦以萬計民生國賦蓋其重哉茲荷撫院軫念移文郡縣令氓庶修築工成撰誌直欲與全浙之長利也第昌之堰勢有二在山澗者長不過十數丈令堰長督同人戶鑿石堅砌使通溝洫不時補塞巵漏則成功易在大川深溪者延袤百餘丈方累石捍洩一遇山濤四出奔流衝激則飄石如蕩芥復夷而為灘為沙礫矣且平時商船往來每每折損隄築妨農事尤甚為民生慮者

當令有田之家計畝出銀幾許堰長一一書簿募工爲石堰高若干尺長若干丈堅固若城塹則滿得無虞也不則于近堰之所共置山一段畜養備築屆春夏令貨船便帶土石以助修砌則不惟農工商賈兩利俱存且使隄不關剪而上田揚塵下田龜拆之患可免矣 戴弁條列水利文粵稽昌之水勢皆自西來水源因之大要則南條北條然又各有支流總名則曰溪周禮謂兩山之間有川焉是也姑以其大者言之其西北有六一發源于昱嶺東過頰口又東爲巨溪又東滙爲灣水潭南會于河橋一發源于巖箕田經同山會于頰口一自寧國縣界經百丈麓入巨溪一自千頃山至箕山而入晚溪一自七里洞出塌水橋亦入晚溪一發源于黃花關逆流出長春橋而入于灣水潭其東南有五發源于大鳴山東過龍鬚橋石鏡山會于河橋一過銅坑分爲沈溪出章村而入于大溪一過銅坑分爲貢源以入于大溪一過銅坑分爲良溪而入于大溪二條之間雖南北分橋不齊皆合流過小柳大柳經分水會桐江而入錢塘然由西而東形勢浸下利于田則作堰六十有五別作溝澮以引之卽則所謂以防止水以遂均水其間有官立之長者有私舉爲首者皆所以率工修築然田之近溪者早則上流可壅澇則下流可洩頰爲

民利乃若不成溪流者則旱澇無可恃昔人嘗因澤爲塘者三皆屬于官一在朱源一在泥晶一在雲老各立長以通頌之此之謂以濟蓄水亦周禮遺意也

國朝 乾隆八年知縣甘文蔚履勘東堰責革陋規酌定堰壩

分水丈尺委典史汪自孔督令堰南北兩莊業戶遵式築

砌勒石永禁堰長藉端勒索商旅

昌化縣志 甘文蔚革東堰積弊記 昌西南皆

山大溪貫其中直注錢江而入于海而田之灌漑舟之轉運皆于溪焉是賴獨是昌山多田少一年之所獲不足支半歲恒乞糶于外郡以及鹽布百物之所需皆取給于蘇松杭紹而買舟以運之苟夏而水冬而涸舟不得前則邑之激激如望戍者什二三顧自大小柳至鬪水港堰不止數十餘舟行俱無所阻滯獨朱九東堰南則下阮北則雲老共爲一堰而惟下阮堰長藉以志載戴經邦水利記內有便帶土石之語頓起利計始則不論多寡止索例規繼則欲遂方休無求不得甚至日復一日弊資叢滋自春三月以至秋八月設爲堰長伺舟過索銀至二三錢不等而

商亦安之若素蓋祇計舟行之迅速而不復論需索之多寡也其流弊亦有年矣至癸亥歲邑士余泐有米船過堰堰長覺而泗焉而躍諸船竟擊碎袋每斛自取米三數升以去船戶歸告泐以不問而取與盜何異卽狀白署侯孫署侯申之郡尊檄下嚴禁之一時諸商買成稱義舉乃堰長利欲未息復糾人夫扛巨石磊諸港一舟過雖數十人牽挽不能越舟率鱗比堰下如堵民間鹽米無所取給而叫呼者遍市井適甘侯甫下車復以狀白侯侯卽親詣堰所去其碍石疏通舟楫相其水勢之緩急度其溪面之濶狹而于堰中開砌船分計濶丈許從船分而上築兩直埂長各三丈南之直埂去下院十五丈北之直埂去雲老二十餘丈俾水勢騰湧入兩溝而中留一線以爲船分上下委縣尉江公督令兩莊業戶定築程式今南北兩坂之水且有餘而商船上下亦順流而無患以其事申之郡尊單檄下勒石永禁而諸黠措勒九年大水成地變作沙洲需索之弊頓絕矣于是乎記

令廿士蔚出示勸諭委典史汪自孔佑工督令各業戶興築大堰數百餘丈以防水激十二年復被水衝八十餘丈

署令王元音典史汪自孔捐俸邑人章培捐貲倡率各業

戶補築石壁灣堰完固

昌化縣志

昌化在萬山中形勢巖岈無

平原曠野以陳修疆畝故雨易盈暘苦澗多旱少澤其所恃爲水利者惟塘與堰而已然塘以瀦水宜陵阜而堰以節流宜川澤故西北近溪多堰東南遠水多塘勢使然也顧西北雖多堰矣至柳嶺西東百丈嶺南北凡溪所不灌者獨不可廣爲之塘乎東南雖多塘矣乃龍門之七坑歷溪之白牛隔坑之後熊虞溪之溜沙高堰其泉可壅又不可不多設堰也

萬歷舊志

昌化山國也谿迴澗繞與江通波沃

壤饒衍畝鍾一石利實源此然而濤奔峽束水恒挾山之



勢以與地爭潰隄決防歲屢見告所恃人力補塞則塘堰之利不可以不講也

昌化縣志

塘堰壩

大塘 陂塘 並在吳安鄉

咸淳志

泥晶陂塘 在縣東四里

浙江通志

梓口塘 在縣東五里師姑山左灌塘下田

萬歷舊志下同

湖塘 在縣東南五里灌近塘處所田

雲老塘 在大塘之下灌景坑田

成化舊志

在縣東南十里深

一丈五尺東西長七十二丈南北濶五十九丈溉田三頃

三十畝

昌化縣志

泥浪塘 在縣東南十五里浙江通志在浪山之右灌泥浪田

萬歷舊志

赤源西塘 在縣南十五里深一丈七尺長七十七丈濶

四十丈三尺溉田一百七十二畝

昌化縣志下同

朱源塘 在縣西南十五里計一十五畝二分溉田一頃七十三畝

前村堰 楊舒堰 王村堰 在金山鄉

咸淳志

自堰 北郊堰 巨溪堰 一名上營村堰溉田六百畝

咸化舊志上營村堰在永豐鄉

咸淳志下同

高梨堰 白山堰 白山頭堰高梨村堰並在永豐鄉

下坑堰

按咸淳志下阮村堰在吳安鄉當卽此成化志亦作下

阮

東堰

雲老堰

在安吳鄉

咸淳志

桐江之水自荊州而來

二十四里爲前村堰灌後坂田又二十五里爲楊舒堰灌

車闖坂田又五里爲王村堰灌華光田又四十里爲自堰

灌龍井田又二里爲北郊堰灌上營坂田又二里爲巨溪

堰灌高梨坂田又八里爲高梨堰灌下營坂田又四里爲

白山堰灌西岡田又二十里爲下坑堰灌泥畚田又三里

爲東堰灌朱九田又三里爲雲老堰灌雲老田

萬曆舊志

岸堰 在縣西北六十二里

昌化縣志

石湖潭堰 在縣西八里

浙江通志

石壁灣堰 在縣西五里灌塔園裏田

昌化縣志

林村堰 在永豐鄉

咸淳志

溉田二千三百畝

成化舊志

祝家堰 飛堰 劉家堰 嶺下堰 朱岸堰 後溪堰

林村堰而下灌田未詳自前村堰而下至此俱在西境

萬歷舊志

山干堰 朱儒堰 朱儒村堰在玉山鄉

咸淳志下並同

禁頭堰 大陳堰 葛干堰 在玉山鄉

南岸堰 楊溪堰 頰口堰 頰口村堰在玉山鄉

楊干堰 下茆堰 朱浪堰 朱浪村堰在玉山鄉

楊堰

石鵬堰

成化志作石朋

無他堰

郡干堰

細干堰

無

他之水自白石而來三十里爲山干堰灌山干坂田又二里爲朱儒堰灌朱儒坂田又一里爲禁頭堰灌禁頭坂田又一里爲大陳堰灌大陳坂田又一里爲葛干堰灌葛干坂田又一里爲南岸堰灌賴干坂田又二里爲楊溪堰灌毛平坂田又二里爲頰口堰灌頰口坂田又一里爲楊干堰灌楊干坂田又一里爲下茆堰灌灰山田又五里爲朱浪堰灌任干坂田又二里爲楊堰灌朱柳田又三里爲石鵬堰灌大干坂田又五里爲無他堰灌許村坂田又五里

爲郡干堰灌郡干坂田又二里爲細干堰灌歷村坂田

萬歷

舊志下

並同

馬篠堰 獅石堰 馬篠之水發自自嶺五里爲馬篠堰

灌馬篠坂田又八里爲獅石堰灌未干坂田

龍塘堰 楊村堰 高頭堰 洲頭堰 老軍堰 落子

堰 楊溪之水自霹靂而來十里爲龍塘堰灌大坂田又

十里爲楊村堰灌梅林祖家楊潭三坂田又三里爲高頭

堰灌邵家田干二坂田又二里爲洲頭堰灌義干田又三

里爲老軍堰灌五聖田又一里爲落子堰灌小溪田

雲溪堰 蜃溪堰 雲溪水自昱嶺而來爲是二堰灌蜃

溪祝莊二坂田

峽村堰 官橋堰 金村堰 在金山鄉咸淳志

秀下堰 伽溪堰 河清堰 伽溪之水自白水而來三

十五里為峽村堰灌若村田又六里為官橋堰灌陳家坂

田又四里為金村堰灌金村坂田又三十里為秀下堰灌

秀下坂田又四里為伽溪堰灌何村田又四里為河清堰

灌白下坂田萬歷舊志

塘溪堰 一名章村堰溉田三百二十畝成化舊志章村堰在

金山鄉咸淳志

社堰 楊溪堰 郎和堰 角堰 住堰 潘干堰 石

堰 石岸堰 上博之水自福泉而來三十里爲唐溪堰  
灌唐干坂田又二里爲社堰灌楊村坂田又二里爲楊溪  
堰灌余村坂田又三里爲郎和堰灌下坂田又一里爲角  
堰灌下余坂田又一里爲住堰灌石塔田又一里爲潘干  
堰灌齊干田又一里爲石堰灌木橋田又十里爲石岸堰  
灌土橋田

萬歷舊志下同

沈堰 沈溪水自貢嶺來二十里爲沈堰灌沈干坂田

廟堰 湍源小堰 洪嶺堰 余村堰 在金山鄉

咸淳志

湍源之水自沈嶺來二十六里爲廟堰灌嚴家坂田又一  
里爲湍源小堰灌齊八塢田又一里爲洪嶺堰灌麻車坂



田又一里爲余村堰灌余村田

萬歷舊志

陳堰

溉田三百一十畝

成化舊志

所溉田未詳

萬歷舊志下並同

黃堰

青坑之水自沈嶺而來爲黃堰灌范村田自山干

堰而下至此俱在南境

六畝堰

高溪之水自回龍而來二十里爲是堰灌楊村

坂田

鄴茶堰

仁里之水自界牌而來十五里爲是堰灌鄴茶

坂田

竹嶺堰

一作竹山堰

浙江通志

清水自桃嶺而來八里爲竹

嶺堰灌白坑田

萬歷舊志下同

輿村堰 輿溪自巾子而來二十五里爲是堰灌西晚田

虞溪堰 在永豐鄉咸淳志 虞溪自黃檗而來二十五里爲

是堰灌長春田萬歷舊志下同

梓口堰 下克之水自鏡嶺而來三十里爲是堰灌亢橋

田自六畝堰而下至此俱在北境

平葛渡堰 在永豐鄉咸淳志下同

上博堰 在安吳鄉

赤石村堰 陳村堰 並在金山鄉

爾干村堰 忻村堰 上巖村堰 玉村堰 並在玉山

鄉

西堰 泥郎堰 白下堰 並在吳安鄉

成化舊志  
下並同

下余堰 覺岸堰 石塘堰 並在金山鄉

義千堰 在玉山鄉

大成壩 在縣西四十三里溪水向係南流自翁姓于南

沙洲上種樹壅水歸北乾隆九年水壞稅田二百餘畝王

翁二姓許訟邑令甘文蔚勘諭王姓築壩以水之七分歸

南三分歸北不數月而田埂遂俱復舊

昌化  
縣志

田圩

昌化縣田其圩墜不可考以東西南北四境判之

萬歷  
舊志

杭州府志卷四十三終